

愧

瘠

集

悅齋集卷之十一

莆田二山野人林大輅稿

七言律

壬午元日書事二首

長樂鐘聲催午漏  
楚江歸客喜初聞  
清朝車馬開晴雪  
元日公卿紀瑞雲  
萬國椒花春浩蕩  
九霄瓊樹曉氤氲  
杜陵未獻江東賦  
十載班隨鷺鷥群

燕乳鶯啼繞建章  
鵷行鷺序拜君王  
宮花露

湛迎僊珮苑柳風微帶御香天樂九重佳氣滿  
日華雙闕曙鐘長微臣祇念歌堯澤遠志何曾  
補舜裳

萬年感事二首

二月四日到萬年風沙烟雨紛相連野寂如聞  
山鬼嘯溪湧安得江龍眠民間懸磬泣兒女縣  
令發棠爭後先小麥未青大麥熟吁嗟斗米直  
百錢

富家稻米倉不開貧民馳逐官中來高聲大呌

救溝壑赤脚蓬頭蒙塵埃  
勃海使君遠料事青州  
老子非凡材相携菜色看  
將暮獨立庭苔風雨哀

初夏同藩臬遊鐵塔寺用李川甫韻二首  
僻地松篁爭隱映炎天樓閣動清虛  
禪機尚阻蓮花社佛偈驚看貝葉書  
春盡登臺還客况雲深懸榻果吾廬  
貪遊底事催歸馬上界鐘聲月影疎

玄度走郎去不廻百丰冠屐此徘徊  
擬看竹院

連書報已過花期  
竝馬來寶塔天清  
連暑氣珠林雲碧  
動高臺宦遊落落  
惟朋好盡日詩篇  
與酒杯

聞馬子莘還莆

馬卿論事欲回天  
西水朝來信息傳  
梧鳳獨鳴金闕下  
臺烏初散玉階前  
綠疇紅稻孤村雨  
黃石青山萬樹烟  
莫漫離憂添病髮  
栖遲應覺著書便

餘干分綠亭與鐘天瑞參議話別

冬入江城喜薦觴高堂延客自焚香山青翠篠  
迴陰磴日煖晴雲散盡梁四海親朋離別易百  
年勲業話言長蹉跎真愧勞生拙未老先君鬢  
有霜

南康九日望五老峯適崔都司來訪留飲  
二首

南國風烟入舊遊孤城臺館肅清秋百年落落  
黃花候五老時時紫氣浮却望雲津懷道侶虛  
疑人世隔僊丘狂夫漫有藍田興况復崔郎竟

日留

重陽白髮依稀見  
搖落其如五老何  
對酒漫生  
殄菊思看山  
虛憶採芝歌  
東南天地  
奇觀盡風  
雨江湖  
變態多  
擬欲巢雲  
攬孤秀  
頻年行樂  
慰  
蹉跎

夜宿開先寺卽事呈陳盤谿二首

楓樹筠林白露溥  
秋宵燈火遲征鞍  
僧鳴孤磬  
雲山寂客到  
諸天薜荔寒  
翻媿風塵隨浪跡  
偶  
談緣業散  
愁端蒼霞碧  
石尋常在江上  
重來路

未難

淨地名香有宿緣  
石門苓榻自流筭  
窓垂橘柚秋山入  
幔接星河午夜懸  
湖海微塵吾亦幻  
乾坤萬事爾能禪  
香爐雲紫龍漱白  
朗真攜僧共看泉

飲汪汝梁僉憲行臺

莫漫傷心泣素絲  
人間青史總支離  
旅懷共戀盤中局  
豪氣頻歌雪後詩  
風靜江魚吹細浪  
月寒林鳥坐高枝  
祗愁歲歲牽簪組  
夢裏青山歸



每遲

南康王守招遊廬山以疾新愈弗赴答詩

二首

棲賢遺勝寰中奇  
手古風流獨爾思  
漫欲移官山長便  
若爲招隱洞仙疑  
紫霄鸞鵠春頻逗  
白鹿烟霞夢俱遲  
聞說僕君時獨徃  
興盡歸筇有新詩

萬年雙樹插天青  
况復攜僧採藥行  
怪石掃雲看瀑布  
叢林招鶴坐雞鳴  
遲迴遠道生還日  
荏

江表  
春吏隱情綠杖可能扶病骨敢辭五馬遲

湖口逢林別駕宜

故人邂逅意何如笑語慙予病除五老大觀  
跨楚粵九江清影蘸匡廬漆園傲吏浮生達栗  
里潛夫往事虛十載朋情更踈濶豫章誰阻北  
來書

雪後移舟湖口縣江干極目楚天長二孤天柱  
雄南服九疊雲屏接大荒對客可禁流注子聞

歌聊復據胡牀蓬窓夕翠寒流外夢入黃州把  
菊觴

安遠山行

南州炎月瘴烟低馬首蒼茫路欲迷細雨長林  
交翠壁亂雲芳草隔清溪村中候戍群吹角客  
裏看山偶杖藜未得漢陰機事息柴門頻憶小  
湖西

虔州逢方棠陵僉憲贈詩次韻二首

邂逅真傳消息至追陪翻喜笑言同兩江風雨

聯榻三月鶯花慰轉蓬  
避地我應慚靖節  
著書君欲似楊雄  
白龍洞口他年約  
散髮行歌桂樹風

野夫臥病春將半  
使節看君下嶺州  
毛義何緣奉檄喜  
謝安那復出山謀  
朱幡赤舄還多事  
白鳥滄江未散憂  
却憶故人書忽到  
計程應泛小谿舟

十月七日誕日過葛谿呈謝光宇二首  
初冬至七又吾辰  
獨立看雲一愴神  
萬里江湖

爲客日十年臺省報恩身野懷欲與青山老  
世事其如白髮新菊盞椒觴聊慰意僕童應記  
葛谿濱

潭影谿聲散午暉吏情羈思故相違詩書計拙  
慙聞道歲月名浮已覺非黃鶴遠天還楚望白  
雲舊國此萊衣鄉谿定與謝安約春酒留歡醉  
莫歸

望鄉谿促舟放流有懷謝子

谿上荒烟野樹黃懷人獨坐夜焚香相期却訝

雙魚遠欲見其如一水長世專鄉山添話柄離  
情雲樹倍年芳試看月色風檣隱擊鼓鳴榔任  
爾狂

別田希古主事

勝水名山非舊緣短歌長嘯共離筵客星相照  
金尊滿卿月初看玉樹懸懷往雲牽三楚夢倦  
遊風逗九江船思君倚棹吟佳句回首香爐生  
紫烟

九江別陳德威副憲

隔歲逢君意氣親  
玄談竟日挹芳塵  
開尊欲就天池曉  
下榻初逢栢府春  
病髮孤槎驚過楚  
壯心雙劍重懷人  
鶴田鸞閣終同老  
仲舉何如鄭子真

朗州江行懷馬伏波三首

蠻江簫鼓動行舟  
棠樹陰陰覆遠州  
許國半生空白壁  
懷人千古有清流  
雲中道宇丹丘淨  
天外僊源綠樹浮  
回首壺蘭情不極  
何年散髮詠三休

龍虎千旌白霧生樓船風雨望孤城三秋旅鬢  
霜前改千里郵程日暮征玩世獨憐真隱操觀  
風頻愧倦遊情清時建節知無補洞獠由來仰  
化成

建武平蠻今幾秋伏波英爽豈封侯炎崖鑿室  
非人境野戍連營似楚囚一劒光芒橫閭外五  
谿氛祲薄壺頭明珠薏苡堪垂涕遺恨當年馬  
少遊

遊白龍洞讀方思道題壁二首



梁尹張筵掃洞苔招提隱隱入雲開龍盤溪暝  
回歌席鳥度山青落酒杯嘉會漫酬千里約重  
遊還憶十年來藥闌松塢驚心地獨撫流光白  
髮催

僊梵依微野色曛碧蘿蒼桂共氤氲石門月到  
前溪水野徑泉分別洞雲風雨棠陵空舊恨江  
山毛塢見遺文悽然欲洒懷人淚處處蛩聲那  
可聞

送以永侍御謫武義縣丞

柱史南來獨轉篷  
諫書遙奏大明宮  
鳴臯鶴骨同人瘦  
出匣龍精似爾雄  
逐客哦松山月白  
僊翁飛舄海雲紅  
江花越榜生還路  
不是藍橋擁雪中

讀方思道題壁因悼鄭繼之

近時南國稱才子  
爾與閩山鄭繼之  
烏石赤城連逸氣  
芝田蘭畹綴春枝  
都官愁鬢九溪短  
漢使遊踪五嶺遲  
十載題詩寄僧壁  
空堂月色倍相思

浮槎館春望會師汝和

春城載酒到浮槎，獨館殘碑自歲華。  
太史風流芳草遍，書生門巷野桐斜。  
鶯聲別浦淹遲日，野色晴川逗晚霞。  
惆悵遠遊談舊事，村南開遍海棠花。

度梅嶺寄汪汝梁

瓊樹花開早報春，暖風晴日抱清塵。  
賈生孤調憐才子，衛玠芳標比玉人。  
歸騎荒荒梅嶺路，別情眇眇月江濱。  
嗟予早晚辭榮祿，擬辦柴桑漉

酒巾

師汝和席上卽事

春日池塘遊小魚，碧筠蒼荔野人居。  
蕭條祇有瞻雲淚，飄泊那看種樹書。  
隔歲芳樽還我共，殊方青鬢逐年疎。  
邵平瓜候秋江冷，定向終南歸舊廬。

復到浮槎館與師汝和飲別

出郭偶同遷客興，飄蓬翻愧野人羣。  
尋花徑小娟娟日，移酒春深淡淡雲。  
五嶺風光憐共得，兩

江消息喜初聞無端更問秦川路醉裏新詩欲  
贈君

烏蠻灘卽事

烏蠻灘上日風波歸興其如芳草何古廟神香  
留彩鷁夕陽戍鼓出青蘿叅差石戟江流迅錯  
落龍湫野渡多千古伏波寄英爽竹枝淒楚榜  
人歌

梧州呈提督東泉姚公二首

蒼梧山色敞雲屏開府平臨紫氣清漢室鄒枚

俱國士宋京韓范一書生降幡洞獠分龍節凱  
樂仙臺奏鳳笙十載談經門下士征蠻遙識使  
君情

漫郎劍佩試登堂六月霜臺儼鳳岡帷幄籌邊  
肝膽赤風塵憂世鬢毛蒼虞廷二相馴苗虜殷  
帝三年克鬼方勲伐未須論去就只今行部有  
甘棠

喜逢鄉人留飲五首

我生四十已無聞抱病殊方悵白雲兩鬢蕭蕭

頻謝客一杯草草喜逢君  
月江賓榻風烟迥野  
戍夷歌楚粵分逆旅  
談鄉慰閒寂朔鴻南燕惜  
離群

度兵楚兵  
俱屯月江

擊筑長歌遣四愁  
相看天際碧雲流  
滄江紫邏  
非吾土黃菊青橙自遠州  
畫餅文章驚楚玉屠  
龍技業愧吳鉤  
司空自信三休老  
林叟何幸一  
釣舟

友朋賓館曉相過  
蘋藻留歡意若何  
小集閒情  
思北海奇遊遺迹慕東坡  
奕當煙渚浮觴滿釣

隱江楓倚棹歌六載一官非蹭蹬吏情塵夢易

陰陀

蘇公謫海外  
刻石紀遊

橫州雉堞月江城星斗璇霄麗漢京野菊娛人  
寒靄斷沙鷗留客晚潮平漸老未應生白髮延  
齡那復餌青精天涯桑梓雞峯洞漫許他年谷  
口耕

百年如夢復如醒萬里遨遊思眇冥西廣芳旌  
淹赤舄南州風露灑青萍狂夫屢數真陽錄志  
士能孤太史銘剩欲浮槎盼人世鯨波隨意訪



蓬瀛

貴縣賀萬壽節二首

九門旭日明天仗萬里黃雲繞建章  
野館鵷班龍節近秋山庭燎禁烟長  
漢官禮樂徭酋識西粵干戈帥府揚  
安得曲江金鑑錄共趨瑤闕獻  
君王

五載孤臣遙仰聖千秋南甸迥生春  
關山鐘鼓開黃幄臺省冠紳拜紫宸  
浮食無多甘漫客逃名未老愧閒人  
玉橋閭苑傳宣日正想鄉

雲繞鳳麟

貴縣逢范衢村憲副留飲

雄鎮誰堪紆北顧  
濟時君負出群才  
平蠻銅柱雲間立  
浮海僊槎日下來  
蜃氣樓臺圍桂寢  
黎酋風雨款蘭堵  
相逢斗酒談何劇  
共惜他鄉醉未廻

別范衢村

范老胸中百萬兵  
天涯節鉞眇干城  
文章二紀稱先達  
意氣千秋屈後生  
洞獠頓驚山菁少  
夷

方應報海波平相思後會知何日蓮酒月江空  
復情

東省吾翁方伯

薇垣栢府勤相問賓榻江舟兩月同小飲醉醒  
慚浪客西歸早晚仗明公馬卿諭蜀文如錦謝  
傳摧堅氣似虹歲晚談兵刁斗夜鈎簾更僕燭  
花紅

橫州贈汪希會參議二首

十年南雋舊談玄澤國風流爾最賢玩世長騎

蕪市馬逃名聊泛粵江船青霄冠履蔽垣月白  
羽關山野戍烟笑接春光開潦倒殊方應有故  
人憐

對君真似醉醇醪邂逅驚看已二毛五嶺烟霞  
新著作百年湘漢舊風騷低雲驛樹分晴靄積  
雨江聲漲午濤入夜相思何處笛倚蓬遙認客  
星高

橫州遇張以敬來莆留飲舟中二首

月滿江城露氣浮南天蕭爽已深秋簡書戎馬

淹旋旆萸菊風煙共泛舟舊國豈孤元亮興清  
時應有子長遊一尊款款谿山話欲採蘋花去  
未由

十年邂逅橫州城怪爾頭毛白數莖落日江湖  
眞泛梗秋風尊俎偶談兵魚龍吹浪海風細烏  
鵲栖枝山月明張翰才華胡蹭蹬殊方搖落遠  
遊情

慰師汝和相見

名夔舊江西僉  
事謫戍于嶺

九月蠻鄉已授衣  
緒風團露氣全微  
談兵祇愧書生拙  
避地其如宦况違  
鳥道雲腥獵騎杳  
龍宮江迥釣舟稀  
銷愁喜遇南遷客  
渭水秦山嘆未歸

師汝和飲舟中

風塵昔日豫章路  
鄱水西山戰伐繁  
中允聲稱逢世難  
夜郎心迹向誰論  
秦川月落看垂涕  
粵戍村荒卧閉門  
斗酒酌君須酩酊  
夷歌幾處定招魂

月江雨懷簡譚總戎

山雨冥冥連歲暮月江鷓鴣傍人飛愁多轉覺  
寒聲急睡起俄驚曙色微世路萍踪何日定宜  
情歸夢故山違元戎野宿旌旗在獨客舟航晝  
掩扉

遊玉巖洞二首

玉巖雙洞煙雲深杖屨來過六月陰湖海風濤  
虛翠壁乾坤芝草隔青林石門仙舄疑非遠野  
客山衣懶不禁安得閒身酬勝日數峰遙寄故

園心

旅遊今日好懷開  
十里尋真濁酒杯  
仙鼠避人栖不定  
靈鳥看客去還迴  
九關地隱烟霞榻  
孤壁天低日月臺  
崖鼓石鐘聽欲暮  
布袍芒屨擬重來

宿下歷巡檢司二首

停車遠道依山館  
下歷炎風未夕陽  
近渚浮烟侵樹白  
連峯高壘入雲黃  
貔貅野曠軍麾靜  
鼓角城荒畫漏長  
利水棉岡迷極目  
南來烟火日



淒涼

二地山  
盜日熾

吳粵分疆交嶺海夷方邊徼尚風塵山深豺虎  
驕相飼野曠鷹鷂去獨馴十載行藏疑夢寐一  
官懷抱愧經綸賦詩橫槩非今日緩帶輕裘有  
古人

送人之太倉州學訓

倏看除目歲將陰贏得官閑價抵金漢室明經  
多白首吳門彈鋏半青衿山中桃李陽春色江  
上魚龍霄漢心點瑟韓檠俱樂部事春明回首五

雲深

秋興三首

木葉鳴庭雲欲黃  
天涯寒色渺江鄉  
一枝苑樹鷓鴣穩  
千里雲遶驥足長  
賈誼清時增意氣  
楊雄散地見文章  
懷人却值南飛鴈  
惆悵音書欲寄將

天濶平沙急遶吹  
南來孤况逐時移  
省中日照黃花淨  
城上雲來碧樹遲  
詩卷光陰醒客子  
軍麾風雪動邊陲  
閉門退食栖鴉後  
隱几蕭條有

所思

胡兒久遁犬羊微誰使邊烽起夕暉無路請纓  
空按劍有時彈淚忽沾衣陰山龍在雲爭擁細  
柳風高雪欲飛此日登壇須頗牧長安翹首凱  
歌歸

邕州元日試筆

天上風光忽轉春詰朝雲物望中新椒花興遠  
一回首栢葉杯深初入脣臺省歲華蕃楊共江  
潮羈旅楚歌頻却憐行止疑岐路四十年來報

主身

錢可容憲長談風洞之勝賦二首

偶談風洞開星牖正想苔堦覆渚雲臺長平分  
蒼玉杖幽靈時絢紫霞文玄中混迹龍蛇性客  
裏留情鹿豕群僊舄翩翩今別去莫辭玉珮半  
空聞

邂逅驚談選勝奇初春蓮酒盡清卮夢中玄圃  
應憐汝海上丹丘欲付誰野鼎蒸霞芳石髓洞  
簫吹月照瓊芝使君有道能招隱唯擬相從過

武夷

九日

吳詒菴方伯招集滕王閣  
病不能赴移酒于舟賦謝

幾年客裏登高節  
隨意看山黃菊觴  
伏枕可禁青簡召  
開尊相對白衣狂  
西山佳氣連雲閣  
南浦清風繞桂堂  
天畔歌鐘聽欲暮  
漁歌病榻隔滄浪

病起東吳靜之黃筠溪方伯胡仲器憲長

張濯之副憲二首

南北萍踪歲偶同。秋風江上幾青楓。舟移南浦  
淹多病。藥近中年覺有功。短髮欲分青鏡白。衰  
顏那借綠尊紅。却慚泡沫身。如寄逆旅生還。伏  
數公。

夢中曾對白雲關。欲向僊翁問大還。撥悶呼童  
歌白苧。招鷁對客話青山。聚星頻喜高賢榻。倚  
玉深慚壯士顏。試上江樓。猶躑躅。搏空鵬。翻未  
應攀。

秋日登吹臺懷陳三宜二首

三年作客過梁苑萬里思君上吹臺王粲悲愁  
荆楚賦陳琳詞藻建安才斷雲海色青楓少落  
日江聲白鴈迴三徑未歸鬢欲變天涯懷抱幾  
時開

搖落清秋旅思頻詞壇憐爾二毛新燈前風雨  
尊猶隔夢裏湖山路更真沙白天青連上郭菊  
黃雲碧照西隣相思莫遣瑤華斷回首浮名愧  
野人

建谿

獨客思家意屢驚九谿雲物遞行旌霜前鳥道  
寒蕪綠秋後鷺峯瘴雨晴野老食芹懷往事漫  
卽談劒激高情西陵吏隱今能記招鶴看雲到  
楚城

晚過武夷

松樞桂闕淨丹丘紫屐黃冠虛碧流歷歷鰲峯  
仙蛇晚荒荒洞笛野雲秋清時底用思招隱懶  
性真慙賦遠遊南國多艱須料理秋風江漢未  
消憂



阻雨車盤驛館

懸旌未可紀行程  
吳水閩山此日情  
萬壑雷霆喧永晝  
三秋風雨動高城  
蕭條旅食愁能遣  
寂寞閒居賦未成  
藥裹書囊驚不理  
晚來烏雀向人鳴

登漢江樓二首

勝日登臨百尺樓  
漢江東下楚天浮  
風帆極浦煙波晚  
雲笛空山桂樹秋  
懷古直舒千里目  
撫時長抱百年愁  
清平歌管知無數  
楊柳大堤似

舊遊

襄陽風日最娛人，仗鉞翻驚報主身。  
山簡池塘空舊跡，羊公祠廟尚餘春。  
一川蘋蓼還晴色，千里關山幾戰塵。  
酌酒欲過棲隱處，鹿門耆舊暗傷神。

登仲宣樓二首

荊州樓觀雄南楚，禾黍秋風入壘平。  
三國江山餘霸氣，西京豪傑獨詩名。  
羈孤豈有風雲志，搖落其如桑梓情。  
惆悵知君依鄴下，薄遊曾過洛陽城。

陽城

王子懷歸意不疑萬方多難夕陽時登樓翻恨  
秦川遠避地寧知漢鼎移巫峽寒潮征鴈杳荆  
門落木暮猿悲瞻雲我亦違親舍回首江門有  
所思

桃源洞

漁釣扁舟一野人白雲流水偶尋真神僊漫意  
逃秦網澗壑何年關楚津蔽野桑麻紅日靜疎  
茅雞犬碧桃春三朝生息無征稅不識人間有

戰塵

得唐翁家信五章

望入晴雲迴海嶠書傳白鴈自江邨韶華行樂  
春攜杖耆舊追歡日到門山桂雲浮樊谷曉巖  
松風動石谿痕清尊座滿還投轄北海風流未  
足論

多病癡兒懷遠道高堂老母慰閒居守官不敢  
封魚膾娛老長思侍板輿歲晚田園聊復爾燈  
前麻枲更何如他時欲語甘棠化俛首還驚墜

佩魚

烏石塘陰似會稽軍門風雨共幽棲爲官我已  
慙懷橘養志君應罷煮藜繞膝兒童今更長娛  
人圖史遠堪攜看雲臨水年來事相對萊園有  
逸妻

小第三齡能識字汝兄千里重含情提攜知爾  
寒溫定嬉笑隨人意氣橫的的荆花春不淺依  
依蘭樹歲還榮滄江白髮看兒樂雙鯉超超寄

海城

元方去歲辭江漢季子吾鄉覓棗梨望遠獨牽  
黃鶴夢歸家頻寄碧山詩他年花萼還相暎當  
日麒麟敢漫期浪迹蘭臺驚報稱而翁班鬢欲  
衰遲

擬登高吾山呈少司馬陳公二首

高吾山望于沅湘之間陳公讀書此山  
巡撫江西歸復起爲兵侍歸皆栖遲精  
廬若將終身別號曰高吾山人予久在  
記憶適巡常德簡書糾紛又暑雨浹旬  
欲登盼幽勝竟爾弗果他日來觀又  
恐山靈予棄也漫呈鄙句以識予私

高吾萃兀擅奇觀况有繩牀苜蓿盤萬籟雲霞

迴谷口九霄風雨逗林端中興諸老多鳴鳳逸  
叟三湘共紉蘭拓落衡山瞻舊隱未應吾道屬  
艱難

瑤壇清寂羽人家漫擬憑雲躡露華塵世喚醒  
芳草夢流芳開遍碧桃花藏書石室光珠緯吹  
笛虹梁駐彩霞行部祇應憂世故可能悵望楚  
江涯

安鄉卽事二首

盡熊問俗安鄉縣草碧湖南萬里長岐路聞蟬

驚首夏踈簾看雨對滄浪綠疇伐鼓催農種白  
水行歌聚釣航遲暮美人虛悵望木蘭回首楚  
江香

江色荒荒烟入市村流漠漠水侵門春歸黃鳥  
聲猶媚日午榴花晚自繁臺館浮踪看短劒江  
湖今雨憶清尊鹿門山遠松蘿寂耆舊誰招地  
下魂

撫歷荆郡返楚城舟中八懷

東山



烏石松壇俯桂叢一尊留醉幾人同海門波動  
晴峰碧巖樹嵐分夕照紅楊子著書長閉戶交  
郎攜客慣談空秋風搖落淹歸旆湖雨湘雲入  
堊中

蘭陂

春日遲遲憶泛船故園幽事每隨緣望懸壺嶠  
神僊宅興落蘭陂煙雨天近海山光迴席畔傍  
簾草色入吟邊楚臺回首驚華髮谿鳥谿花祇  
自憐

南山

郭外青山汗漫遊昔年曾臥讀書樓  
谿聲石榻長聞雨海氣松齋早得秋  
懷舊可能逢一笑戀時未敢賦三休  
洞庭夢澤蛟龍泛鴻鴈嗷嗷有隱憂

玉礪

玉礪飛泉日夜鳴雞山回首十年情  
碧雲壽域連書幌細雨春臺淨奕枰  
載酒池清看飲鹿放歌林迴聽啼鶯  
江湖夢及黃花候欲向滄洲覓

舊盟

翁娛老所  
佳城在焉

蔡谿

往歲唐翁訪蔡谿雙林蒼鬱入招提懸知杖屨  
春常逗漫採松芝路不迷花繞石壇雲隱几泉  
迴丹室藥盈畦野橋晴雪虛無裏尊酒何年爲

爾攜

唐翁道蔡  
谿之勝

香山

谷口松光留曉杖海天秋色動寒杯笑飡白玉  
林菰得醉索青絲竹笋來猿鳥不驚霜葉徑煙

霞長戀雨花臺香山幽事如相慰清聲將將送  
客回

古囊

黃子他年卧后峰古囊病客喜相逢雲間下榻  
傳清管竹裏刪詩及暮鐘丹壑碧芝秋日事蒼  
霞白鶴野人蹤蕭條欲灑西州淚雲樹江城翠  
幾重

麥斜

未辭簪紱二毛斑漫想餐霞可駐顏苓榻飛泉

滄海外洞簫歸鶴白雲間野人避地留丹竈倦  
客憂時負碧山極目江天招隱路石林樵谷舊

松關

樵谷隱于此山之巔

登黃鶴樓二首

控鶴僊人去不回危樓長倚碧雲隈江流抱日  
蒼煙斷野色橫山白鳥來吳魏空遺諸葛恨曹  
劉曾惜禰生才獨憐鸚鵡洲前月遙夜清光過  
楚臺

黃鶴樓頭一振衣  
熊旛龍節更情微  
晴川對酒

歌頻發芳草撩人夢已稀雲裏兩山誇楚觀日  
邊雙闕見神畿驛書近報胡塵息誰賦東山秦  
凱歸

弔屈子祠并懷宋玉次李汾崖都憲韻二  
首

澤畔行吟思黯然飛鳩鳴鳩暮雲天江潭何處  
臣心苦關隴頻年使節傳適海旌旗還舊淚懷  
人蘭芷自遺編獨憐漢水秦川月不照三閭玉  
珮捐

翩翩文藻高唐賦神女陽臺總夢魂夫子未忘  
哀郢恨先生應念入宮恩空山啼鳥悲遺隴舊  
雨鳴鐘咽遠村地下從師知不異浮雲惆悵易  
黃昏

登岳陽樓二首

岳陽樓閣俯人寰粵客重來意自閒萬里魚龍  
迴洞野三秋風雨眇君山英雄割據空陳迹吳  
楚平臨愜壯顏朱檻欲呼黃鵠遠碧峰疑聽玉

尊前賓從共風烟  
髣髴虛無太古前  
帝女祠深雲暝竹  
軒皇臺寂水浮天  
凭欄樓閣星槎近  
開府江湖漢節懸  
憂樂年來懷往昔  
秋風蓬鬢轉堪憐

撫院池館卽事

電旗霜戟午亭靜  
夢澤瀟湘春水來  
爲問花期過小苑  
偶聞鶯語坐平臺  
雲中消息邊烽滿  
漢上年華朔鴈廻  
遠望依稀雙闕迴  
羣公定有濟時才



春後逢雪

忽忽春風吹澗蘋  
羈遊應念百年身  
鏡中白髮曾知己  
海上青山却負人  
萬里催寒江色暮  
一尊扶病雪花新  
羽書寂寞驚征戰  
烽火雲中直照秦

有懷二首

黃鸝恰恰囀青林  
寒食蕭然別院深  
風雨自憐多病日  
雲山誰識遠遊心  
川迴樹色荆門渺  
天入江流漢浦陰  
欲問兩山麋鹿徑  
石門何日許

招尋

薊北風煙入塞垣  
忽聞消息幾銷魂  
美人何處獨談劍  
遠客相思早閉門  
霄漢雲容淹日月  
江湖春事淨乾坤  
欲招黃鶴滄瀛外  
細雨楊花隔暮邨

撫院集譚總兵二首

中興大將舊登壇  
虎節龍旂帝寵寬  
三楚威名專閫外  
兩階勲舊夏朝端  
星辰魏闕瞻天遠  
風雪荆門及歲寒  
共上北臺投轄飲  
却慚南國

濟時難

十載元戎不入楚廟謨此日命更新已懸肘後  
黃金印更愛尊前白葛巾萬壑千山天塹迴神  
州赤縣帝鄉春太平軍國稀經畧撫劒平蠻  
仰一人

點兵

大將登壇願不違閱兵調馬檄頻飛卽聞細柳  
初推轂豈有平城遲解圍虎豹九關淹朔雪風  
雲十載混戎衣野人寂寞悲生事翻憶商山歌

式微

同譚總兵王監察遊洪山寺三首

野日雙旌初出郭  
洪山殿閣自天開  
笙歌淨界歸雲寂  
鐘磬叢林霽雪迴  
撥悶已看沙漠報  
感時應惜總戎才  
禪關不與塵俱黯  
竹裏泉聲送客杯

紫烟木杪蒸香積  
青嶂雲間跨斷霓  
帝子祝釐龍象處  
山人供佛薜蘿栖  
江聲百里涵孤塔  
夜色千燈照舊蹊  
共上高臺俯塵界  
芝壇杳杳洞

天低

洪山名勝郡中稀  
况復宗藩麗翠微  
舊日青林留石鼎  
重來丹壑隱雲扉  
十年旌節誰攀憶  
三楚風塵獨振衣  
海上禪宮牽舊夢  
欲將心迹老相依

愧瘖集十一卷終

愧瘖集卷之十二

莆田二山野人林大輅稿

七言律

富池阻雪三首

三日歸舟滯富池  
楚天回首倍相思  
行藏漫信關吾道  
勲業應慚負聖時  
衮衮長江翻島嶼  
霏霏暮雪灑旌旗  
蕭然獨坐蓬窓下  
獨鶴孤雲隨所之

飛花無數落雲端  
漠漠江邨歲欲闌  
照眼未分

山谷白銷愁應逗酒杯寒天時人事春相迤去  
國還家路更難可是雞峰風雨夜鷓鴣棲止一  
枝安

故園初日上斑衣白髮清歌對酒卮萬里雲霄  
鄉夢隔十年臺省諫書稀獨憐楚澤多鴻鴈敢  
愛閩山有蕨薇歲晚江干初見雪不妨歸舸暫  
相依

雪止逆風下九江別張陳二藩集

已驚急雪下連夕復訝長風逗九江蹴浪蛟龍

蒼葢舫迷林鳥雀傍征幢羣山南國分岐路斗  
漚寒霄對別缸他日江門相憶處看雲臨水白  
鷗雙

開先寺次舊遊韻二首

獨宿開先憶舊歡仲冬風日駐征鞍群峯寂寂  
留晴靄萬木蕭蕭生午寒洗墨池荒疑谷口讀  
書臺古見雲端拔閒已結雲烟侶未信人間行  
路難

壺蘭重結釣遊緣三楚歸來及壯年孤寺野懷



芳樹在遶天春夢碧山懸未妨支遁初求道漫  
憶淵明欲避禪玉峽蛟龍晴亦雨江湖雙眼灑  
飛泉

送人歸宜賓

三年羈旅混悲懽海上官齋首蓐盤正喜相過  
頻繫馬忽聞歸報獨凭闌九江樹色荆門杳三  
峽俱聲蜀道難爲問西洲陳柱史石城雲卧  
帝恩寬

南歸

時連旬  
陰雨

南歸暫爾玩青芝  
更擬看山過武夷  
渺渺川原思獨往  
茫茫晴雨敢前期  
山中白髮歡扶杖  
湖上黃花淨暎卮  
江芷湘蘭秋事遠  
薄遊應自媿明時

興田道中寄鄭于成憲副

秋山寒草色全微  
深樹鳴禽聲漸稀  
客子倦遊驚遠道  
笑人相憶愧初衣  
石門花照蒼霞塢  
玉澗雲涵白板扉  
寄語東山學道者  
他年相伴有漁磯

懷馬子莘

兩月燕臺振豸衣十年鄉國臥荆扉  
全生海上還踈放直道人間有是非  
江漢嬾予秋水棹風煙念爾北山薇  
武夷僊嶠青霞滿何日相携話釣磯

晚過武夷

徙倚青衫雙眼明武夷迢遞晚霞生  
却疑谷口僊翁遠漸見雲間玉女清  
烟水野航非舊侶薜蘿洞月若爲情  
羣鷗欸欸應相遲安得淹留與

遊武夷八首

九曲僊源隨意到三花幽事任吾真溪山何處  
容疎放雲谷清秋弔隱淪鐵笛未醒塵世夢棹  
歌先試武夷春道人野飯遙相慰潦倒尊前白  
髮新

未識虹橋路淺深幔亭天樂豈知音他年避地  
無煙火何處開山有鄧林金鼎空調龍虎性滄  
洲終寄水雲心函中僊蛻真憐汝日短煙荒生

晝陰

止止庵開近釣磯  
汀鷗沙鷺日相依  
野人投老談金液  
童子從師住翠微  
別澗泉聲雲外細  
平林山色座中輝  
玉蟾遺迹今衰草  
惆悵秋風薜荔衣

天柱峯高仰止同  
紫陽精舍翠微中  
師生道論喧群黨  
畎畝交情屬數公  
寂歷門墻初薦藻  
支離歲月愧飄蓬  
春薇秋蕨孤懷在  
今古風流一遁翁

幽棲豈必高賢志遲暮經綸總失時去國風煙  
三黜後傳經師友百年期白袍赤舄存吾道碧  
水丹山獨爾思擬欲結廬依晚對石門猿鳥未  
須疑

九峰祠廟鐵峰前玉女相看清可憐伯仲源流  
非曲學帝王心迹有遺編雲深晴草暉斜日谿  
隱秋花媚遠天獨想舊時瞻仰地隱屏燈火夜  
聞猿

野航共發谿初霽獨客貪遊日易昏黃鶴乘雲

天路眇金雞啼月石巢存蕭條鬢髮添秋序搖  
落乾坤對晚尊未信刀圭遺世事巖栖雲臥總  
堪論

瑤宇琳宮俯碧流冷風雙袂到天遊仙人掌動  
扶桑日羽客魂清桂樹秋入眼千峰浮水國寄  
懷孤鶴傍漁舟夕陽布被虛懸榻回首白雲歌  
未休

懷李川甫僉憲

自笑迂疎牽世務喜聞嘉遁念君恩白扉閣外

東山徑黃鳥村中北海尊宇內賓朋矜著作夷  
門耆舊重丘園相思歲晚音書隔幾樹梅花銷  
旅魂

陳三宜遺海棠二首

僊種何緣特地移風流應愛野人詩朱顏晴日  
嬌相向小圃群芳妬亦宜醉裏從人看綽約年  
來知爾惜衰遲草堂一夜南州榻夢醒藜燈笑  
共持

散髮探春花滿枝年華樽酒肯教遲流霞晝煖



迴晴照繁宿村深耀晚漪  
偃蹇久踈湖海夢幽  
栖還及聖明時  
故人步履頻相問爲報東風  
莫漫吹

方雪崖惠山丹次來韻二首

邂逅方干秉燭遊  
經旬不見幾三秋  
童來遺我  
丹花細春在  
憐君白髮稠  
雙劒石門聊紀歲  
孤  
城羌笛共銷憂  
明朝急報柴門信爲喜  
人間有  
紫丘

野客醒狂對次公  
看花斜日一尊同  
竹扉雙屐

日輝輝碧樹多步履不嫌頻問訊野歌攜酒擬  
相過

秋日同王藥谷諸君子舟歷柳橋林坡泛  
木蘭三首

捲幔迴看野水平浮槎如在鏡中行遙遙原樹  
前山綠冉冉秋花夾岸明玉粲不孤湖海夢謝  
安曠有薜蘿情友朋幽事清尊滿曉日卿雲江  
上城

谿上迴峰一棹青柳橋初上碧雲亭山入歲月

頻春事地主江湖舊使星留客欲歌招隱賦著  
書應續太玄經桑田別業依然在社酒年年共  
醉醒

扁舟蕩漾迴瀾曲楓葉蘋花不盡秋雲淨碧山  
銜月上陂清白浪帶星浮避人鸛鶴高林語聽  
笛魚龍永夜遊何處漁郎歌放艇風煙寥廓海  
西頭

重陽宴集劉中丞吾墩別墅二首

中丞別業初開宴溪閣邀賓一棹迎九日風煙

黃菊酒十年桑梓碧山情石田鷺下潭雲細野  
水龍遊浦樹平玄牝谷神談共適旁人爭問著  
書成

佳辰賓從共銷憂白幘青筇記此遊野日溪山  
迴綺席海天風雨霽高秋柳橋舊隱書田在栢  
院清歌釣艇浮笑插萸房杯酒盡崔莊陶徑亦  
滄洲

送郡丞若峰吳君遷南京刑部郎中四首

若峰丞吾郡多惠政郡人懷之不欲丞  
他遷予持憲江右八載嘗辱愛論交旦

暮作蕪語爲別今歲仲春丞與別駕胡  
子石東節推龍子南岡枉予鷄峯卽事  
賦作附覽用識吾私時  
嘉靖丁未秋八月也

使君談劒晚尊前別館驪歌惜共傳擁節漫誇  
先兩郡賜環應訝後三年南中滄海風烟迥白  
下彤雲殿閣懸老我論交頻記憶青霄勲業髮  
雙玄

蘭臺楚舸歸來日白石蒼霞海上秋精舍去城  
迂五里野情留客話三休雲涵飛蓋青山映樹  
遶浮觴玉澗流遁迹已甘陶令老探奇共喜子

長遊

烏石南屏若箇峰高軒僊袂喜予逢江天花護  
孤洲曉海日雲生萬壑容竹裏啼鶯酬野笛村  
西流水送溪春山人住近東臯曲薜戶柴扉翠  
幾重

閒情機事不相關海淨天空鶴自還拄杖幾驚  
凌磔柯濯纓兼喜弄潺湲清尊不醉橘中叟孤  
榻長懸江上山梅蕊柳條春欲媚傍人爭候使

君顏

三公  
送奕

太守陸蓮塘別駕陳恒所節推劉羅陽族

叔都憲退齋宴集各紀以詩凡四首

梅花如雪綴新晴五馬棠村劍佩明  
桑梓潁川春不淺干城勃海望尤清  
歌壇華燭青宵集香閣深杯白髮情  
豈是西湖林處士孤山時對使君旌

王祥別駕重名流坐照清光笑語酬  
尊俎踈簾迴碧檻芝蘭白室俯青丘  
宦聲豫喜循良見世路懸知慷慨遊  
野老留歡投轄晚山城鐘鼓逗

寒籌

湖上初春小隱家西橋車馬散林鴉孤臣歲月  
如元祐逐客江山似永嘉栢府諫書留紫禁荔  
庭詩句款彤霞浮踪芳節催心賞月到天香幾  
樹花

中丞玄髮甘嘉遁勝日相看凌紫烟蹤飲步兵  
還叔姪倦遊中散卽神仙鳳麟不入雲霄網魚  
鳥何孤山水緣衰白自憐過一紀莫辭潦倒綠  
尊前



雨後懷鄭春沂朱前山

浮世勞勞好是閒  
五年歸卧郭西山  
溪聲杳靄茅齋外  
雲氣虛無塢樹間  
風雨不驚天上夢  
鶯花欲駐鏡中顏  
獨憐三徑初留客  
信宿相看二仲還

題囊山禪房

上人行年已五十  
老子應作弟兄行  
荔塔談雲多兩歲  
蘭溪遺酒得三觴  
階前野鶴鳴珠樹  
日午晴霞到石梁  
却愛山人青眼在  
江湖今雨鬢

毛蒼

閒居寡營秋序昭曠卽興成言八章

石林風靜碧梧飛倚杖清歌白苧衣上郭柴門  
臨水閉南屏野老識人稀玄蟬抱日松間嘒白  
鶴乘雲海上歸臺省故人疎間訊偶看除日半  
黃扉

談玄應念子雲貧短褐栖栖欲避人黃菊紫芝  
淹勝日青山白水寄閒身九關朔氣連秦苑三  
晉寒聲報虜塵惆悵登壇誰頗牧每聞征鴈一

沾巾

玄晏先生嬾出門平沙幾見長芳  
蓀湖嵐晴擅南州楊山雨涼分北  
海尊閒對棋枰來柳下偶隨漁釣  
坐松根百年落落英雄老莫咏離騷  
招楚魂

白髮相過步履遲秋風不負看山期  
松雲入院鐘聲細桂日環階塔影移  
栗里幾年惟舊侶杜陵隨處有新詩  
招攜更喜羣公在一夜新涼到

酒卮

群公林寒谷柯石莊柯  
希齋林西谷吳三麓也

藥谷山人野鶴姿  
滄洲玄髮渺幽期  
談兵朔漠曾開府  
門道崆峒蚤得師  
湖海一尊千古思  
風塵雙劍四愁詩  
西峰東石頻相見  
把袂天風吹桂枝

麥斜雲谷酒杯前  
澹澹長空暮景懸  
明月半醒呼漫客  
冷風長嘯挾飛僊  
人間玄圃還奇跡  
夢裏青城祇舊緣  
萬壑千峰圖畫少  
重遊更躡鯉湖煙

麥斜宋林樵谷有道術  
時鄭抑齋陳梅冷同遊

三年回首思僊侶  
谷日荒荒路轉賒  
天畔登山

迷海雨雲中看瀑渺溪花巖簫遲客三芝徑野  
飯逢僧一洞霞投老獨慚非道骨漫談金液欲

移家

宋陳易怡老蔡溪五十年仙去

楚江昔日回孤棹十載山栖愧未深對客敢論  
天下事讀書頻見古人心搃牀欲聽桓伊笛按  
譜終憐叔夜琴菰米蓮房秋事遠白鷗飛滿小

湖潯

叔夜琴二句思後峰也

遊青山呈林此齋藩伯林巽峰郡守二首

穀城山前定在背黃石海色溪流可搃老松怪石弗遑選也予歸且久過水南

幾於山之登殊不意慰地主林此齋巽  
峰通爲觴歎乃二登陟巔苦詠知山靈  
不嗔也

穀城浮玉萬松端老去登臨得大觀呼月臺高  
晴野白興雲洞古午天寒鰲宮懸榻虛三隱鳥  
道移尊逗九盤叅伯郡公俱避地江門今用盡  
君歡舊有三  
隱堂

佳辰道侶覓仙蹤雙鳥青山佳幾峰樹靜午觴  
留屬玉雲深春服灑芙蓉嵇山脩禊群賢集蔣  
徑栖真二仲從碧海青溪明月夜后林歌管坐

聞鐘

題雪齋圖二首

瑤華飄灑此閒居，漸近東風解凍初。  
三白元精虛構架，一團和氣逗乘除。  
崆峒道侶還遺世，緱嶺僊翁舊著書。  
世事浮沉雙眼濶，不教岐路問何如。

子真谷口賦歸來，青野滄洲步紫苔。  
寒序同雲疑雨玉，石門暢月恰飛灰。  
香凝燕寢濱淇竹，帙散丹床照徑梅。  
二十五年隨几杖，寰中離垢節。

蓬萊

鄭九萬給事過雞峰二首

端居曾讀子雲玄，萬事悠悠思渺然。  
江國烟花催逆旅，草堂風雨記流年。  
蒼顏天地詩歌放，白日羲皇夢寐懸。  
何意相逢青瑣客，看山來醉一尊前。

碧峰樹色逗斜烟，青野江光涵遠天。  
愛客乍傾桑落酒，論交頻泛木蘭船。  
雲中蕃榻移村月，露下秦簫遶澗泉。  
潦倒看君懷抱好，清時勲業正



強年

懷鄭春沂朱前山二首

野人生計混樵漁寂寞能過長者車  
玉澗鳴蛙涼雨歇滄洲飛鷺暮雲舒  
懶將忘事宜高枕老欲逃名敢著書  
別後故人何處在雞峰回首意何如

飛烟冉冉荆扉淨啼鳥關關桂樹陰  
烏帽江門聊獨嘯白雲松榻漫同心  
淵明詩興柴桑里諸葛才名梁父吟  
斗酒欲邀山月上笛聲寒亮隔

青林

雞峰讌集四首

玉巖山下瀉春泉脉脉清流匯碧川漫與野人  
脩舊勝直邀城叟結初緣蘭亭觴詠羣賢集逸  
少風流百代傳小隱只今誇四美薜衣芒屨飲  
中僊

荔樹繁陰坐晚涼天湖幾曲卽滄浪乾坤是處  
容吾拙丘壑何年得爾狂注玉廻峰圖野几傳  
春怪石俯瑤梁幻雲漠漠皆陳迹酩酊彤霞送

羽觴

紅塵渾不到雞峰野坐泉巖出桂藂雲裏登臺  
看海色林中倚杖嘯天風南軒對奕青山午西  
崦行歌碧澗東九曲清觴流玉蕊衰翁雙鬢野  
花紅

騷壇溪上近雙鳬苓榻風花亦故吾山靜友朋  
開闌寂雲深臺館入虛無石溪似練浮杯淺仙  
液如泉得月孤倍惜舊遊同白首莫辭縱飲對  
潛夫

戊申元日鳳山寺祝

聖感懷呈劉紹功中丞林遷于秋官林吾從  
侍御鄭九萬給舍四首

瓊宮金鼓午宵長  
列緯如珠徹曙光  
金水魚龍迴蕩漾  
玉墀鸛鷺隔微茫  
虞韶曾聽鈞天樂  
漢署頻分合殿香  
舊日倦遊今白髮  
東山雲物倍年芳

舜日堯階迥紫虛  
嵩呼歡動綵霞初  
七千山繞瞻龍夢  
十五年看種樹書  
劉向他時黎閣暖  
鄭

崇舊事履聲踈孤山谷口梅花發同向春風掃  
敝廬

海上閒蹤一野人餘生翻念報恩身晴雲三殿  
遙瞻極彩勝雙峰又見春談隱不辭淹蔣徑感  
時那復問沮津芳韶香篆浮千縷憶昔朝回散  
紫宸

梁楚當年祝聖時臺端高曠漢官儀九關龍  
虎青霄近萬國鶯花白日遲彩筆春城曾紀瑞  
清尊別院漫催詩小湖筠榻歸來日長對山人

紫芝

看山

偶欲看山便出城五年蕭散采芝情日斜津樹  
聞啼鵲春盡園林有嘯鶯數畝石田聊晚種幾  
人藜杖解閒行息交真覺柴門遠獨對滄浪一  
濯纓

山中隱况

隱書偶著蒼霞曉淨業頻驚白髮多勝日賓朋  
看竹到空山風雨采芝歌雲間蕉塢泉聲細樹

裏柴扉鳥跡過  
剩欲買舟時載酒  
兩溪漁釣卧  
烟簑

春日過嶺下族祖元盛因速鄭節器漁滄  
之招六首

陟磴攀林訪索居  
野人春事復何如  
青山天馬  
明西戶綠水僊螺遶  
北渠梨嶺遠芳存隴  
畝桂  
林舊業有詩書  
煖雲芳墅深  
杯地信息漫驚長  
者廬

舊日移家初種樹  
青青竹祖與桐  
君陰晴花信

占風候昏曉林聲見鳥群谷口洲分蒼野渡海  
門潮抱碧江雲思君歲歲堪還往祇汲山泉煮  
澗芹

有約相過十載前接遲應愛丈人賢衰年浪迹  
看山賦勝日尋真出谷緣嶺樹鷓鴣啼暮靄野  
堤麋鹿飲春泉還聞鄭谷無多路悵望清齋一  
榻懸

伯仲農書看稔歲親朋遊屐喜初春舊時村社  
還泥虎是處岡阡但石麟廢圃雲腥遊鹿徑平



谿泉瑩蟄龍津自憐問路行歌叟野榻荒廬有  
主人

柳塘梅隴曉春東族里風流笑此翁對景浮杯  
山澗曲撩人飛鳥桂花叢有懷問訊添詩句多  
病招攜付酒筒晴野遙遙歸及暮孤城煙靄有  
無中

漁滄望杳邀賓札泉石南峰逸老蹤野飯美兼  
芹藻薦柴門春贖薜蘿封隔谿蘆火還漁棹過  
嶺松風送寺鐘十里藍輿歸路晚猶疑登覽未

從容

辛亥春夕宴集呈鄭雪齋劉約齋林西谷

林義齋四首

十日湖風作曉寒清齋留客紫芝盤  
欲憑玉案邀青鳥翻惜丹砂杳翠巒  
遶樹酒杯遲月飲攀花燈火隔簾看  
浮生莫漫驚衰白把袂行歌興未闌

閒居汗漫憐生理竹塢松軒自歲華  
上郭雨餘雲擁樹東橋雪後水明霞  
春浮鳳管歌仍緩暖

入鷓鴣杯酒更賒遙夜故人情不淺坐銷香篆話  
桑麻

叢桂宵寒滴露珠草堂星檻入虛無洛中綠野  
三川迴天外羅浮五嶺紆心遠柴門依獨鶴眼  
明沙漲泛雙鳬漆園述作思莊叟嬾慢清朝愧  
遁夫

浮雲流水翠微間客到西源不閉關化日松筠  
清道室春宵鐘鼓隔人寰逢時蚤釋華簪絳習  
靜長凭綠几閒憶昔旅遊呼五白燕京舊侶鬢

毛斑

暮春書事兼簡王櫟谷中丞四首

庭鵲喧喧喜報晴  
晚來散步杖藜輕  
孤雲谿上閒相遲  
芳草村中夢偶成  
踈放豈應論阮籍  
窮愁未許訝虞卿  
柴門物色歸題品  
十載倦遊念友生

柳堤松塢枕吾廬  
邂逅頻過長者車  
地僻好禁霜鬢早  
春深莫放酒杯虛  
詩壇翠靄山侵幌  
釣石蒼苔水映渠  
箕穎風流真離俗  
嵇康漫有絕

交書

莫漫移家住漢陰野人今已息機心  
飛飛乳燕廻新壘恰恰流鶯囀舊林  
屋裏湖山苓榻靜堦前風雨薜牕深  
從人問訊藏春塢一縷名香撫素琴

清時吾亦戀閒居白首楊雄生計踈  
野磬出雲僧薦茗石門歸鶴客傳書  
雞峰攜伴花朝過草徑呼童雨後鋤  
王子年來歸舊隱江村幽事欲何如

雞峰夏日景况脩然走筆邀賓偕此欣賞

四首

堂連青野雞峰曲天淨閒雲玉澗東  
投老江山詩卷裏惜春花鳥酒杯中  
松聲徑小涼移榻野色谿清晚繫篷  
寥落村南時獨往量晴較雨覓鄰翁

招隱山深野老家  
扃門幽事自羊華  
階叢錦綴先秋菊  
庭樹紅開百日花  
夢斷天風吹短褐  
詩成鷗鳥款晴沙  
雞峯漫擬香山社  
獨憶停雲幾

暮笳

栗里雲涵廬阜秋鹿門山擁漢江流乾坤眼濶  
一懷古湖海春深非壯遊隱徑星河浮碧樹奇  
峰晴雨變滄洲故人遁跡聞疎放應許登臨十  
日畱

端居那復話悲歡春盡陽林翠欲攢別塢雲深  
當戶白千峰泉落隔谿寒花間僊島依稀見野  
外山瓢邂逅難漫欲從君歌小隱薜蘿深處一  
凭闌

方雪厓陳三宜過訪二首

山人漫喜欲乘僊  
骨領韶光過百年  
斗酒豈辭今日醉  
新詩還許兩翁傳  
松花桂子圍村雨  
白水蒼烟到石田  
滿篋陰符渾不讀  
案頭惟有子雲玄

谷口風流有子真  
尊前懷古岸綸巾  
最憐丘壑能忘老  
况復鶯花只報春  
世路幾驚今雨隔  
交情誰謂白頭新  
西雲東石相望久  
披草何曾詠卜鄰



暮春飲陳三宜宅上摘韻言贈四首

短札西筠叩草廬經旬寂寞晤言疎野懷老去  
驚看劒嬾性年來愧借書風定皋蘭香入戶日  
遲堤柳翠連渠清尊此會淹呼白共喜羲皇夢  
醒初

相逢野日話春耕逸叟輕藜任送迎幾樹花開  
初薦酒蒲天雨霽恰聞鶯桑麻舊侶蒼霞榻薜  
荔新詩白社情雲級不禁扶兩屐何緣招鶴過  
青城

久於岐路辭臺省興在浮山日百觴宇宙漫懷  
中古近江湖性僻野夫狂白崖紅藥繁陰歛碧  
樹青煙返照長芳節偶然成出飲不嫌杜老獨  
匡牀

小湖晴翠亦滄江沙鷺孤飛白鳥雙剡曲友朋  
惟訪戴鹿門耆舊昔稱龐詩城鎖鑰終堅壁文  
壘風雲獨樹幃欲訪幔亭發沅瀝九谿僊笛隱  
雲缸

三宜詩文  
多存體格

雞峰集纓泉張節推暨林西谷林養齋林

退齋諸君子六詠

郭外青山偶勝遊，思君情共曉雲流。  
青萍欲拂江干檻，白苧還歌竹外洲。  
僻地江湖曾入夢，高梧風雨已驚秋。  
次公退食多幽思，願借藍輿半日留。

兩日江門坐葛巾，邀賓應愧賜間人。  
山迴千野隨車雨，天入三秋滿路春。  
栗里卽兼行樂近，杜陵谿擬浣花新。  
莫辭征鉞驚農畝，間俗年來出

郭類

山靈倍愛使君詩  
翠管瑤編入聖選  
海上龍門開盛氣  
苑邊春色滿棠枝  
張衡抱道人皆仰  
何胤聞居世漸遺  
釣侶樵翁同問訊  
柏臺風雅重清時

林叟頻年過草堂  
天風吹滿桂花香  
題詩自訝多奇句  
貯酒人憐有別腸  
青塢卧雲聯芟服  
綠蕉聽雨幾繩牀  
同君倍惜雙蓬鬢  
中散步兵入醉鄉

石室邀賓鳥道平  
西山鐘鼓報新晴  
皂囊君有

憂時疏白社吾同避地情  
茗碗籜龍翻玉版酒  
杯香蟻動河清應門童子知消息  
泥濘還期出近城

中丞三楚賦歸初小院焚香漫著書  
叢桂已栖雲外鶴雙谿應釣渭濱魚  
巖前別澗流蒼玉霞上高齋切紫虛  
喜有清歌能勸酒東山懷抱竟何如

寄永嘉分教劉廷顯三首

傳經三載一官閑  
劉向風流未可攀  
問舊祇憑

書裏去思君多在夢中還鯨波綠湧江心寺蜃  
氣青浮海上山閉戶不知春事晚小溪梅雨日  
潺湲

芸閣晴空玉樹高春風回首憶同袍兩山巾舄  
還吾病萬里江湖獨爾豪松月照藜間點易桂  
風醒酒喜談騷懸知門下多才子長向雲邊種  
碧桃

春暮聞鶯獨上臺永嘉三月一鴻來梅泉白屋  
雲中見石塢朱華檻外開野老詩耽靈運句廣

文玄抱子雲才東山壇樹青青在遙夜文光接  
上台

郡博鄧玉瓚邑博黃國奎偕其寮潘恒胖  
王南金樊瑤訪予雞峰樊枉示紀遊四  
作次韻呈諸君子

山人歸種郭西田布谷飛鳴細雨天  
几谿聲芳杜曲柴門雲影紫峰前  
高軒訪舊先留札野性邀賓不紀年  
白馬青衫詞賦客亦知方外有  
登仙

平疇渺太清方池晴日動踈楹攀松不盡  
玄臺淚披草空多白髮情萬壑風烟淹倦翮十  
年江漢悵浮萍憑君欲上蓮花頂安得僊芝一  
夜生

憶昔吹簫把袂過僊源應在碧山阿芳津派玉  
蒼霞曉怪石分屏綠樹多看奕臺空誰說劒招  
雲磴遠共攀蘿村中童子宜春服細聽仙郎拄  
杖歌

飛流百丈下層峰瑤碣方壺劈澗容天姥夢遊



還李白雲區結想有主融群公自發滄洲興野  
老閒隨白鹿踪避地欲談漁隱便問津未許漢  
槎通

時予葬先翁父山宿諸  
廣文來訪歷勝智泉

山堂小酌次方雪厓韻

散髮看雲見翠微最憐農里有柴扉江潭漁父  
渾忘世漢浦丈人已息機苓榻晴煙獨下晚藜  
燈寒酒欲歸遲棲鷄夢鶴曾拘忌去馬來牛自  
是非

同馬師山觴壺麓梁溪

未到梁溪思不禁  
秋風藜杖許招尋  
相攜鳥道日將夕  
却望龍湫雲更深  
石罅雙魚浮翠荇  
巖前孤鶴下青林  
流觴舊約成  
搖落回首松門白  
髮心

梅泉蓮花盛開卽事呈諸君子四首

郭外肩輿破碧苔  
閒情獨上萬青臺  
谿氛欲淨雙鷗下  
海色初明一鶴來  
漫數遶泉新竹長  
試看抱日瑞華開  
短橋曲檻多新詠  
應記山翁舊日裁

茅齋隱隱映朝暉  
蓬鬢年華萬事非  
漫對水僊浮碧葦  
欲留山客試初衣  
池塘露暖封殘粉  
庭院風微度曉翻  
誰似泥塗清不染  
惟應支遁悟禪機

春盡紅英逐水流  
采真隨處戀滄洲  
朝看綠萼橫塘出  
翻憶年花瑞併頭  
五里晴沙香冉冉  
一簾清晝影脩脩  
山中幽事頻催酒  
還待黃花接素秋

群英酒酒紉柴門  
買酒呼童到遠村  
九畹猗蘭

宜伯仲雙谿芳芷漫頻繁僊翁綺日彤霞夢道  
侶璇霄白鶴魂問訊數公懷抱好相過同醉碧  
山尊

贈黃澹峰疏休得請兼速壽溪之盟二首  
林下風流始見君海鷗汀鷺喜同群封書萬里  
終辭闕野徑三年已卧雲沙碧低松溪上見天  
清叢桂露中聞蒼髯對客深杯在潦倒頻歌小  
隱文

九華山下劬山耕錦石蒼霞遠世情宜水看花

潘令日春風別駕岳陽城名高逸老頭曾白興  
入詩人韻更清欲放扁舟遊汗漫壽溪烟月棹  
歌行

愧瘖集十二卷終